

皇明經世文編

皇明經世文編卷之十七

徐孚遠闇公 宋徵璧上木

華亭 編輯

陳子龍臥子 彭賓燕又

周立勲勒卣參閱

楊文敏公文集

頌

楊榮

平安南頌

平安南

皇天眷命于大明，開于萬世太平之鴻業。太祖高皇帝龍飛淮甸，順天應人，掃清六合，凡際天薄海大

小蠻夷之國，罔不臣服。歲嘗貢獻，襍選後先，無有少懈。自歷代以來，土地之廣，幅員之長，未有若今日之

盛者也。我

皇上既嗣大統，奉若天道，率由舊章，臣

民守職，夙夜惟寅，而海外諸蕃，暨諸僻遠之邦，素未

余王申為賦以稱聖德之萬

入中國者，亦莫不梯山航海，稽顙扶服，奉表獻方物，

以得瞻覲。

天朝為喜幸，是蓋遠人向慕之誠，寔由

皇上懷柔之有其道也。邇者安南賊人黎季犛及子蒼濟，惡不木滅絕倫理，欺天罔聖，久蓄禍心，肆廝狼吞噬之暴，興狐鼠狡黠之謀，賊弑其主，侵我邊境，以

逞兇劫奪占城。要取其貢賦。僭稱大號。毒痛其生民。奸宄日滋。真頑益甚。朝臣屢請加兵致討。皇上尚念無知。遣使諭以禍福。俾其自新。而賊怙終弗悛。復上表欺誑。請迎陳氏孫。嘗避禍來京者。歸立之。皇

特入此段以爲出兵之

上信之不疑。遣使送還本國。而賊乃伏兵於途。要而殺之。事聞。皇上召廷臣諭之曰。今四方寧靖。無事干戈。惟茲安南小醜。以蕞爾之地。恃其險遠。敢逞兇逆。其可置之度外乎。羣臣咸進言曰。悖逆不道。國有常憲。此而不誅。何以警衆。于是不得已告于神明。命

征夷將軍率偏師往討其罪師行 皇上乃載謀載

是時鴉在南部也

惟躬詣龍江禡燾而遣之授以神謀睿算仍戒其毋

妄殺無辜毋毀人墳墓廬室毋剽掠子女財帛曾未

數月師駐鄰疆不疾不除紀律嚴明甲冑精飭旌旗

炫耀鉦鼓有節諸將士感恩慕義人懷敵愾之心奮

迅鼓勇徑由坡壘破鷄翎飛渡富良江直搗東都遂

平西都而賊黨卽時殄滅所過秋毫不犯市肆不易

百姓引領望風來歸者日以萬計將臣乃敷宣恩意

拯其焚溺釋其脅從遍求陳氏子孫立之已無遺類

國中官吏耆老咸詣軍門請復古郡縣以隸中國設  
官兼治庶幾咸沐 聖朝清化以脫遐荒夷狄之陋  
俗以永永福其子孫於無窮也捷音入奏 皇上一  
從所請以其地爲郡縣設官兼理詔爲陳氏立祠設  
官典祀悉除苛虐用其才良而廩其無告者中外聞  
之莫不歡欣鼓舞以爲 皇上恢弘基業之功光昭  
於 祖宗而安輯黎庶之恩徧及於天下也臣榮備  
負禁掖欣覩盛事謹拜手稽首而獻頌曰於皇 太  
祖統一萬邦普天率土來延來王歲時貢獻厥篚相

望如彼葵藿傾心太陽赫赫端拱而治嘉祥屢臻靈  
物畢至文武將相視同一體龍興雲從風行草靡南  
平江漢北定朔方中原晏然以耕以桑閩浙蜀越悉  
歸版章定鼎金陵既盛而昌我皇繼統一遵成憲  
敬天勤民登庸俊彥信賞必罰殫惡彰善皞皞熙  
熙已南面萬里邈遠如覩目前幽側荒僻無不燭焉  
聰明神聖廣運如天無微不被無鬱不宣蠢茲南夷  
肆逞悖逆詭詐萬狀罔知紀極在廷臣庶請加誅殲  
以振皇威以靖遠域皇帝曰吁藐焉狂獠敢肆凶

頑自致天討。乃命大將以遏凶暴。以整我師。以控蠻  
島。鎧仗煌煌。旗旒央央。鉦鼓喧鉦。師律而臧。涉彼鉅  
海。鯨波不揚。平躋險阻。虎豹遁藏。嗟爾蠻夷。蕞爾土  
壤。蜂蟻之衆。狐貉之黨。潛形穴巢。孰使狂罔。天戈一  
麾。鬼褊膽喪。帝戒將臣。神武不殺。殲厥渠魁。下人  
可活。我師我旅。毋飢毋渴。絲絲翼翼。其何能遏。帝  
戒將臣。奮揚威武。相其原隰。深入其阻。旄倪毋辜。載  
用輯撫。雖云遐荒。我疆我土。將臣所至。悉諭聖恩。  
振揚威武。雷擊電奔。逆豎潛伏。蠶拔厥根。以解倒懸。



以雪陳寃

帝謂將臣爾訪陳氏

猶何

伊何求立續

要

嗣咨詢陪臣曰無餘裔國人盡傷歎歎怨詈

帝曰

吁哉惟彼南人雖在蠻貊同乎大鈞弃而弗理禍亂

彌臻滌瑕蕩穢綱紀維新邦之耆老咸詣轅門請置

郡邑維屏維藩教以忠孝俾知彝倫耕食鑿飲同我

夏人邦人有言荷戈執戟昏迷弗恭妖狐所惑今見

王師如拯焚溺輸誠歸向剗磔洗滌邦人有言聚嘯

跳踉猗天所制莫知其方今覲義旗正正堂堂引拔

崖石置之康莊扶攜涕泣指誓天日銷兵歸田裂幟

入室祛其狠暴，以倣質實。世世臣妾，永保寧謐。將臣  
無循，以寬以勤。征夫鼓舞，行旅歡欣。歸牛休馬，喜動  
風雲。萬姓咸曰：吾皇至仁，捷書入奏，大賚勲庸。功  
逾銅柱，勒碑崇崇。凡在戎行，咸預顯融。莫不稽首，惟  
皇之功。惟皇之功，克紹太祖。惟皇之基，起軼  
前古。惟皇之德，上侔堯禹。於萬斯年，作民父母。

平胡頌

平胡

臣洪惟太祖皇帝受天明，平胡元亂，爲生民主。悉  
復中國古先聖王之政，四夷萬國罔不臣屬。獨元之

遺孽遠竄沙漠，聲教弗遵。太祖皇帝屢命將出師，極加追勦，雖獲其部落，賊酋無算，而萌孽尚未盡除。逮今，皇上卽位，朝廷清明，海宇寧謐，蠻夷之國奔走貢獻，雖古管所未賓服者，亦皆嚮風慕義，相率來朝。侏儻椎髻，輻湊京師，惟胡寇竊處塞外，弗底于治。皇上不忍絕之，數遣使諭以天道禍福，俾知逆順之理。庶幾感悟，同樂雍熙，而乃悍然弗顧，兇悖尤甚，輒殺使臣，抄掠邊疆，日肆毒虐。皇上謂豺狼之性無厭，不剪滅之後，必爲中國患。乃永樂七年春二月，巡

高皇帝亦數遣元將及其將帥書

狩北京。明年春正月。命皇太子祭告天地神祇。

二月丁未。皇上躬率六師往征之。旌旗甲冑綿亘

千里。塞外廣漠之地。苦鹹乏水。惟此一大事故載之乘輿所至。甘泉

湧出。瑞雪交下。天人協相。士無渴飢。軍聲大振。勇氣

增倍。五月己卯。直抵幹難河。虜酋本雅失里知天兵

奄至。狼狽失據。遂率其衆逆戰。皇上率師進擊之。

鉄騎躡蹂。烟塵蔽空。礮聲雷訇。矢鋒雨集。虜衆震恐。

失指。遂皆奔潰。本雅失里單騎脫逃。餘衆悉降。獲輜

重牛羊馬駝不可勝數。六月甲辰。師至靖虜鎮。虜酋

阿魯台復率衆潛伏險阻，來拒我師。皇上躬率扈  
賁數百人，攻破之，殺戮無筭。阿魯台潛遁沙漠萬里，  
氛祲廓清，游喪部落，狡黠靡遺。秦凱班師，天威震動，  
乃七月壬午，還至北京。文武中外之臣，暨四方蠻夷  
之國，莫不奉表稱賀。臣聞古昔帝王盛治之世，皆不  
免於夷狄之患。自周以來，歷漢唐以至於宋，乃有若  
獯狁、匈奴、突厥、契丹之類，數侵中國，流毒生靈。雖有  
賢智之主，驍勇之將，僅得少挫其鋒而已。孰能殄滅  
而蕩除之，馴至宋亡，遂入主中夏，生民幾乎左袵。而

後天生一太祖高皇帝。出而挫之。芟夷羣雄。攘斥戎狄。君主天下四十餘年。皇上以神武之資。繼志述事。旄鉞一麾。而龍沙萬里之外。罔有遺患。以爲聖子神孫萬年無疆之業。其於古晉因循不究。以蹈後艱者。霄壤不侔矣。聖德神功。巍然煥然。直與天地準。夫豈淺見薄識。所能形容萬一哉。然臣榮猷以菲木。叨職翰墨。備負扈從於戎馬之間。親覩皇上躬御戎衣。以臨六軍。神謨廟算。機敏睿發。出奇料敵。變化若神。天戈所至。罔不披靡。是以掃除胡孽。易若拾

乔以致此萬世不拔之功業也。其可無所紀述，以昭示後世，謹爲頌拜手稽首以獻。其詞曰：皇帝臨御，聖德同天，仁聲義聞，漸被八埏。車書混同，統馭夷夏。皞皞熙熙，率底于化。椎髻冉裳，奔走嚮風。厥篚相望，罔敢不恭。惟此胡孽，潛伏荒漠。假息涵淹，僅有部落。嘯聚草莽，侵撓邊疆。狐鼠蠹蝨，敢恣跳梁。帝勿加兵，諭使自悔。反拘使臣，因致戕害。帝曰豺狼莫克，撫循桀驁弗悛。慢天虐民，乃誓六師。大舉北狩，龍旂央央。旄鉞左右，戎馬萬乘。桓桓天兵，金鼓一震。陰山

爲傾瑞雪肯降，甘泉屢涌，士無渴飢，悉奮驍勇，直搗  
巢穴，萬里長驅，醜虜大駭，敢逃天誅。帝訓諸將毋恣  
殺戮，彼雖殊類，均此化育，乃鋤狡勁，乃殲渠魁，降附  
則釋，以懷以狎，獲其輜重，羊牛駝馬，大漠其空，無有  
遺者。剪除遺枿，盪滌羶腥，赫赫天威，震動朔庭。奏凱  
龍沙，班師振旅，士卒歌呼，萬姓蹈舞。乃至京師，乃開  
明堂，飲至策勳，鼓鍾鏘鏘。帝曰：羣臣，予豈究武實，  
奉天罰，用昭太祖。周逐玃狁，漢擊匈奴，孰若我師，  
剪刈無餘，中葉外夷，遠邇無間，億萬斯年，罔有遺患。



黃河載清。海不揚波。億萬斯年。播之頌歌。

記

進士題名記

進士題名

永樂辛丑寔 皇上正大統之二十年。先是 上巡

狩北京。營建都邑。至是告成。春正月元日。乃御奉天

殿受朝。萬國來同。景命維新。而是歲適當會試貢士

始放藏之

初建北京禮部貢士之

之期。領鄉薦而萃京師者三千人。禮部拔其尤者二

百二人。三月望日。上臨軒策試。越二日以曾鶴齡

為第一。劉矩次之。裴綸又次之。賜進士及第。餘賜進

士出身有差，揭黃榜于長安門外，公卿大夫暨士庶人咸謂都邑肇建，而人才彙進如此，夫豈偶然哉？莫不歡欣鼓舞，以爲日覩盛事，誠曠世之嘉遇也。有司復請題名于國子監，上命臣榮爲記。臣惟昔周之武王遷都于鎬，講學行禮，以宣教化，以作新人才。而其子孫傳緒，至于永久，蓋啓之者，有其道也。方今都邑告成之日，聖天子諮詢治道，登進賢良，以隆文明之運，迓千萬載之太平。斯世斯人，亦何幸歟！諸君子遭際明時，題名於太學，太學賢關，天下公論所自。

有其名，空有其實以副之。詩曰：古之人無斃譽髦斯士。皇上之盛德也。又曰：濟濟多士，文王以寧。是尚有望于諸君子，其勉之哉。臣榮謹記。

御賜圖書記

御賜圖書

宣德二年二月戊寅，上御文華後殿，召榮諭之曰：古者君臣莫不同心同德，以成天下之務。君有失則爲臣者匡正之，臣有過則爲君者訓戒之，庶幾更相警飭，兩無猜嫌，信所謂明良相逢，千載一遇者也。卿嘗祇事我皇考仁宗昭皇帝二十餘年，竭誠效忠。

始終一致及今侍朕左右益加敬慎知無不言言無不當深用嘉悅茲特賜卿鍍金銀刻圖書五顆曰方是時諸公皆有御賜圖書而公獨多誌之以見君臣直剛正曰忠孝流芳者以表卿之忠實也曰關西後相庶之隆

裔建安楊榮曰楊氏勉仁者以著卿族系之所自出并表其名與字也卿尚體朕至意永永無斃臣榮竊惟人臣之義惟忠與誠乃能贊輔國家光膺寵命以享爵祿於悠久苟阿徇以取容迎合以求悅不顧事體之重輕不念民情之休戚縱已之所欲言任已之所欲爲則將無所不至矣其可乎哉臣榮自揣非

木夙夜祇慎。惟恐有負委托之重。爲愧耳。至于非分之恩。曷敢希冀。追惟初仕。以至于今。歷事三聖日。得侍近清光。屢沐天地大恩。眷待之隆。錫賚之厚。非一言可述。今復蒙恩賜以範銀圖書。獎諭之重。製作之精誠。古今罕有。臣榮敢不敬承佩服。傳之子孫。永爲家寶哉。故敢具述于左方。以見皇上眷待恩禮之隆。它日或可以備採錄云。

重建孟瀆河開記

孟瀆河開

君子之立政。有可以益國而利乎民者。知無不爲。爲

之有方，雖疲民力而民忘其勞，耗其財而民不自恤。苟或役民於非所當務，則謫怨隨之，其能留聲當世，爲利後世者幾希。孔子曰：擇可勞而勞之，又誰怨？孟子曰：以佚道使民，雖勞不怨，其信然矣乎？工部侍郎廬陵周君忱奉命巡撫蘇常諸郡，常之武進，故有孟瀆河閘，以通東南漕運，及商販之舟，且溉傍近田數千頃，歲久閘壞，公私病焉。常守莫君愚圖改作之，以役費繁重，弗敢專，謀於周君，議以克合，遂發往歲節省稅賦浮費，以市財，僦工礪石於蘇洞庭山，而舟致

之郡民皆懽忻趨事。作於舊址之南。丈餘。其下先錯列巨棧。貫以長松。而後寘石焉。東西石甃。縱以丈計。爲十有六。崇以丈計。爲二百五。中廣視縱。當八之一。南北爲雁翅狀。以殺水勢。中夾木石鑿以納。懸板而上下之。經始於宣德八年九月。而畢工。於是年之冬。用徒匠以口計。二萬三千七百六十。木以株計。八千九百。石以丈計。三千五百。灰以斤計。二十二萬。磚以片計。十有二萬。始終董其役者。知縣朱恕。効勞爲多。者。皆民憚。聞成而獲利如故。莫君以爲苟無記述。

則後世莫知所自。遂因通判張齡來京請記於予。予述圖誌。兩浙運河貫郡城西行三十里。歷犇牛呂城二堤以達京口。舟行旣艱。而河小不足以通巨艦。唐

元和中。刺史孟簡始令開北河。自奔牛北行七十里。

至河莊鎮入楊子江。舟無巨細。皆得逕達于江。而免

此河通則漕

舟出江者速而漕事及期其所係非細

過堤之勞。第其水上引運河源遠不能常續。下仰江

故也

潮。去來不能常存。簡于是置閘河庄。爲之節制。使人

以時啓閉。其利益博。其惠之在人。可謂深且久矣。人

以其姓名河。謂之孟瀆。又謂之孟子故閘。亦以孟瀆



爲稱闡廢民失其利。今得周莫二君子協謀而更置之。二君子之惠足以繼簡而流於無窮。是可尚也。

固安隄記

修築固安隄

天下之難治者。莫踰于水。而治水之先者。尤莫踰京師。故大禹之跡。首在冀州。豈非以水之利害。所繫者大。而帝畿之內。空慎其防。以爲宏遠之圖也。歟。盧溝之河。發源太原之天池。伏流至朔州馬邑。從雷山之陽。發爲渾泉。而爲桑乾河。雁門應州雲中山西諸水。皆會焉。愈遠益大。過懷來行兩山間。拘束齟齬而不

得肆。至京城西四十里石經山之東。地勢平而土脉  
疏。衝激震蕩。遷徙非常。後魏都督河北道諸軍事建  
成侯劉靖。及子平鄉侯弘。築戾陵堰以防之。水患以  
息。後人思其功。謂之劉師堰。歷世既久。水勢漸更。下  
流十五里。距盧溝不遠。有曰狼窩口。時復衝決。漫流  
而東。浸沒田廬。民弗安業。聖朝建北京。視河爲襟  
帶。永樂間。屢嘗修築。輒復頽圯。今聖天子嗣位。命  
工部侍郎李庸。內官監少監姜山義。選任厥事。復命  
太監阮公安。少保工部尚書吳公中。總其事。且勅其

務存堅久，勿爲苟且，庶幾暫勞永逸，羣公效命，材謀具濟，經始于正統元年冬，畢工于二年夏，凡用工匠二萬餘，月給糧餉以萬計，累石重甃，培植加厚，崇二丈三尺，廣如之，延袤百六十五丈，視昔益堅，旣告成，賜名固安隄，命置守護者二十家，建神祠于上，有司以時修祠禮，凡督事者，悉賜鈔幣以勞之，其視築戾陵堰，役費加倍，而堅實亦過之，仰惟聖明至德，蟠際穹壤，而於京畿益圖鞏固，以寧濟斯民於千萬年，諸公亦能同寅協恭，用成厥功，蓋可久可固而利益

于世者不小皆所當書

序

神應泉詩序

神應泉

欽惟 皇上御極以來海宇寧謐祥瑞屢臻華夏蠻

其事詳于少保金公所著北征錄中

夷罔不率俾四海內外皞皞熙熙薰然泰和惟北虜  
遺孽倔强梗化拘戮信使寇攘邊場 皇上赫怒躬  
率六師徃征之三月丙子駐師于凌霄峰厥地高燥  
泉水歉乏是故忽天雨雪彌布于地士馬充足莫不  
歡騰鼓舞以爲 皇上至誠格天之所致也遂踰錦

水磧歷歷虜川，涉金剛阜，所經之處，平沙曠漠，鹹水  
悉化爲甘泉。丙申，駐蹕于清水源，地鹹水涸，忽涌泉  
上出，滔滔汨汨，瑩徹清潔，斯須滂洋，將士環睹，驚駭  
嗟異，咸以爲除滅殘胡之徵也。皇上召中官汲取  
嘗之，味甚甘美，仍賜將士皆飲，乃命之曰神應泉。臣  
以非才，承恩扈從，日近天顏，親覩靈異，莫効涓埃  
之報，願爲歌詩，以頌公德，於無窮，謹拜手稽首以獻。

大祀宿齋壇倡和詩序

大祀齋壇

正統己未春正月，十有五日甲午昧爽，皇上以明

自乙未大祀天地，乘法駕，從百官，恭詣南郊，省觀犧  
牲品物，已乃御齋殿，凝神端穆，預嚴對越。左右侍衛  
與臣工執事者，亦皆秉寅清之忱，思以駿犇自效，罔  
敢或怠。夜三鼓，上具袞冕登壇，升降裸獻，天宇澄  
霽，月星明潤，大樂迭奏，聲歌協和，神祇洋洋，來享來  
格。禮成，和風飄揚，香靄芬馥，聖心悅懌，凡與祭者，莫  
不歡欣，以爲皇上誠敬純孝之至，昭乎感格，以至  
於此，神之儲祥，降福於國家者，豈有窮哉。予以衰邁  
猥承恩命，以相大禮，深竊慶幸，乃賦二詩，以紀其實。

而詞林諸君子屬和者甚衆，得詩凡若干首。夫以予之謏才，固不能詩，而國之祀禮，莫大於郊，穹祇百靈，於是乎饗。皇上至誠大孝，於是乎盡，而臣子助祭，精白之心，亦於是乎見，非常祀之比也。詩之作，其可已哉。

送徐都指揮還建寧序

都閩選閩

予嘗親

國條

所記自

仁宣二宗

以上

三河陸

亦

建寧居七閩之上游，襟山環水，東隣括蒼，非距上饒，

片藏之

是時未

設撫鎮

率皆

隸

行省

故也

自後

而西南之間，遙控交廣，凡福興、泉漳諸郡，品物之貢

替矣

輸三吳，兩浙商賈之來往，罔不輻湊於斯。邊藩要會，

莫有逾於此也。國朝洪武初以其地重人稠特設  
福建行都司以建寧左右延平汀邵五衛所隸之皆  
遴選武臣之賢能者以掌衛事時徐侯彥實之先公  
爲建寧右衛指揮蒞事明敏訓練有方凡都司之事  
有所疑弗能決者必咨問之然後行公夙夜悉心勤  
於所事毫髮罔敢忽怠繇是忠義聞于朝廷信實  
著于藩服惜其蚤歿而弗獲大施于是吾郡之士民  
至于今思慕之不忘厥後侯以長嗣襲職復蒞建寧  
蓋侯自幼肯優游邑里軍民利病罔不究心及在官



之日公廉弗擾士民悉安官長咸加敬禮焉洪武壬

午侯率師駐守汶上值今上舉兵靖難將渡大江

而侯獨挺身來歸遂授任使擢官至指揮同知去年

夏奉表至行在特蒙召見恩眷益隆留數月乃遣

皇上復以爲是職未足以盡其才也遂詔拜本都司

都指揮僉事給驛以還凡列于朝者靡不榮之予始

家居時嘗辱知于侯今承乏詞林雖遠隔數千里外

而心情之相契有加無替故于其歸也率秋官主事

葉溥惟淵洎建之士大夫寓于此者相與出餞于郊

外惟淵乃舉酒屬予爲京以華其行，予時以匆冗弗暇，今侯之子禎以隨侍。皇太孫殿下練習于京師，得賜歸省，惟淵暨諸友復詣予請序以發揚侯之令德，予不可以再辭，謹摭實而復之曰：夫人之所以遭遇於時，得以享厚祿豐爵者，必其德有諸已，才足以有爲，而後位稱其德，才副其用，故能致遠大之事功，而膺爵祿于悠久也。侯之爲人，德足以惠衆而敦俗，才足以修政而立事，而其威儀風裁，使閭外肅然，袍鼓不驚，士民安堵，綽然有古良將之風，此其所以荷

恩眷而承寵命也夫、

雜著

題北京八景卷後

予嘗攷天下山川形勝。雄偉壯麗。可爲京都者。莫逾於金陵。至若地勢寬厚。關塞險固。總握中原之夷曠者。又莫過於燕薊。雖云長安有崤函之固。洛邑爲天地之中。要之帝王都會。爲億萬年太平悠久之基者。莫金陵燕薊若也。晉太祖高皇帝受天明命。混一九有。以金陵龍蟠扁踞。長江天塹。遂定都焉。迨我

皇上繼承大統，又以燕薊左環滄海，右擁太行，內跨中原，外控朔漠，空爲天下都會，乃詔建北京焉。及今十餘年，車駕凡兩巡狩，榮叨祿翰林，旣嘗歷觀金陵之勝，今而復忝扈從，得以追陪文臣之末，隨侍

皇上，遍閱北京山川之槩，退而與諸僚友討論，莫不稱歎，以爲斯文千載之奇逢。一日翰林學士兼左春坊大學士胡公光大偕翰林侍讀兼左春坊左中允鄒公仲熙，考求其迹，以管人有燕山八景之作，而簡冊無聞，今聖朝天下一統，皇上建都于茲，誠非

往管之比不可無賦詠以播于無極於是仲熙倡爲  
北京八景之詩學士胡公兩和其韻而又序之僚友  
同賦者凡十三人榮亦廁名其間亦何幸哉竊自幼  
時嘗閱地誌考其山川形勝心目爲之開明精神爲  
之飛動思欲遨遊覽觀而不可得及今得以循歷兩  
京又得屢承上命奉使西北由江淮道大梁洛邑  
踰關中以至玉門關之外及侍 皇上兩率師出塞  
肅清胡虜北至極漠西抵和林觀兩京之地王氣所  
鍾寔爲天下形勝之最東南西北道里適均真足以

控制萬方而爲 聖子神孫萬世磐石之基也。榮以  
非材，叨逢恩遇，泥塵海岳效報未能。茲以北京八景  
圖并詩裝潢成，因舉足迹所至，書于卷末，具以諸景  
之槩，所以得名流于圖首，誠非欲跨耀於人人，將以  
告夫來者，俾有攷於斯，不惟知天下山川形勝之重。  
而又有以知八景所在，如目親覩。有若予輩之菲薄。  
叨承 國家眷遇之厚，樂其職於優游，得以詠歌帝  
都之勝於無窮者，皆 上賜也。然則觀於是者，豈無  
感發興起，以自奮于 明時者哉。因書此于末簡以

誠歲月云

明經世文編卷之終

皇明經世文編卷之十八

華亭 陳子龍卧子 徐孚遠闇公

選輯

宋徵璧上木 夏允彝爰公

宋徵輿轅文叅聞

金文靖集

贊

金幼孜

太祖皇帝御書贊

金文靖文皇躬名臣其文可采者絕少特存贊與  
皇上宴閒出示 太祖皇帝所書御製嘉禾詩一首

殺篇以足當時之盛云

雲章爛然輝映日星羣臣駭躍爭先覩之卽日摹刻

皇明經世編

金文靖集

御書

一

平露堂



諸石刻成取石本裝潢成卷越十有二日御奉天門  
頒賜羣臣公卿幼孜幸得與賜焉臣竊惟 太祖高  
皇帝龍飛淮右提一旅以靖禍亂混一六合休養羣  
生修禮樂以致太平涵濡漸漬垂四十年百僚效職  
四夷承風惟時嘉禾屢登四郊之民無凍餒之憂廟  
堂之上垂拱雍容聖情悅豫親御翰墨著爲歌詩灑  
灑乎洋洋乎雄偉壯麗渾然天成至其字畫之超詣  
天機逸發森若飛動雖龍跳虎卧夙翥鸞翔不足以  
喻其妙此誠天縱之能聖學之餘也 皇上纘承丕

緒祗迪先猷，披閱手澤，如對尊嚴，用勒堅珉，藏之秘府，以昭示萬億年，永永無極。顧臣菲薄而亦竊獲此賜，寵榮焜耀，稱頌難名，謹當珍述，傳之子孫，視爲至寶，乃稽首頓首，再拜而爲贊。

麒麟贊

臣聞麒麟天下之大瑞也，帝王之德上及太清，下及太寧，中及萬靈，則麒麟見。又云天不愛道，地不愛寶，人不愛其情，則麒麟見。又云王者德洞淪冥，化及羣動，則麒麟見。是則麟之出，必聖人在位，當天下文明。

之日固不可以幸而數致也。欽惟 聖天子嗣大歷服法天圖治勵精宵旰致理萬機仁聲義問洽于遠邇德教覃被民物和會四方萬國靡不歸戴于是天監 聖德景貺屢臻而十有七年之間諸福之物紛紜充牣史不絕書乃永樂甲午秋九月西南夷有曰榜葛刺國以麒麟貢明年乙未秋九月有曰麻林國以麒麟貢今年秋復有曰阿丹國以麒麟貢五六年間麒麟凡三至京師烜赫昭彰震耀中外誠千萬世之嘉遇而太平之上瑞也昔者皇帝道隆德盛麟僅

出于園周南雖托諸歌詠而未覩其真降及漢唐寥  
寥無聞今 聖天子德協重華功高曠古厚澤深仁  
涵浸無間而茲麟之祥屢見而不已蓋上天以是彰  
顯 聖德爲王化之大成誠宗社生靈萬萬年無疆  
之慶也臣添列禁林目覩嘉禎不勝榮幸用述爲贊  
以傳之久遠謹拜手稽首以獻贊曰猗歟仁獸異狀  
奇形二儀胚臞玄枵降精龍顛聳拔肉角挺生紫毛  
白理龜紋縱橫其質濯濯其像彬彬有趾弗躔惟仁  
是遵有角弗觸惟義之循步中規矩音協韶鈞養綏

撫幼藏嘉思邊四時乘化其鳴弗愆是名麒麟出應于天待時而至弗後弗先萬里來賓載邁載馳瑤光燭霄卿雲下垂重瞳屢顧衆抃以嬉大開明堂坐以納之於惟我皇法天圖治聲教流行東漸西被無幽弗燭無遠弗暨川滙雲犇稽首奉贄爰集大瑞後先駢臻何以致之惟皇之仁惟皇之仁洽于八垓極天際地罔不尊親惟皇謙恭弗自爲聖匪物之珍協于仁政惟皇奉天丕顯大命聖壽萬年四方之慶

頌

瑞應龍馬頌有序

聖天子以仁聖大德，覆育四海，綏緝兆民，自蒞祚以來，天心昭答，神靈協順，雨暘時若，年穀屢登，華夏蠻貊，罔不率俾，諸福之物，若麒麟騶虞，神龜白象，文犀赤豹，慶雲醴泉，甘露嘉禾芝艸，珍奇異產之屬，駢臻沓至，不可殫紀，乃永樂庚子冬十月，山東諸城縣民崔及諒，以龍馬來獻，其色青蒼，肉駿隱起，背有奇文，交互錯綜，若龍鱗然，赤鬣肉尾，麟臆鳳膺，敷腴潤

澤狀甚奇異。詢諸其民。云所居之地。有潭瀕海。深不可測。○如○觀○天○馬○。雲霧之中。隱見潭上。家有牝馬。

恆牧于茲。忽一夕風雲驟作。遂產此馬。若有神靈。揭呵光彩照耀。上燭霄漢。遠邇嗟異。咸曰此龍馬也。宜開于朝。以彰天庥。爲千萬世太平之光。臣載稽往牒。以爲有聖人在位。則龍馬隨方而至。所以彰明

聖德。表應太平。今聖德格天。和氣充周。禮樂明備。人文昭宣。萬方乂寧。海宇熙洽。而龍馬之至。適當新都告成之日。所以誕啓鴻圖。光昭景運。誠國家宗社

萬萬年悠久之徵。臣以謏薄忝職文字，每遇嘉禎，必有歌詠，以播揚盛美，傳于後世。況此異瑞所應，非常豈可無述，故不辭蕪陋，謹爲頌一篇，以獻。其辭曰：聖皇御天，統一華夏，靡遐弗歸，靡驚弗化。日暘日雨，時序罔愆，百穀蕃植，屢爲豐年。和氣交敷，細縕旁達，諸福駢臻，至無虛日。諸城之墟，近接海濱，有潭汪洋，澄澈齋淪，雲霧晦冥，雷電恍惚，蜿蜒上下，維此靈物，駢駢牝馬，來牧于茲，有龍覆之，孕此奇姿，變化翕張，瑞物斯育，肉駿礪硯，方瞳燁煜，匪鉄匪駟，匪驪匪黃，色



合玄霧，實青而蒼，麟臆斑斑，背負奇文，縱橫叅錯，如龍之鱗，蘭筋權奇，肉尾赤鬣，逸氣稜稜，超騰驍捷，維此上瑞，叶應昌期，龍馬之生，適符盛時，麒麟在郊，騶虞在囿，神龜游沼，龍馬在廐，維天降祥，豈虛其應，以隆寶祚，以昌景命，滎水獻圖，渥洼效瑞，聖皇在位，龍馬斯至，聖皇御統，道合乾剛，龍馬之來，寔應嘉祥，嘉祥薦臻，粵由聖德，臣作歌詩，播于無極。

瑞應騶虞頌

臣聞天子有大德，則克當天心，以享天命，故上天慰

悅。昭答景貺，以兆億萬年無疆之慶。洪惟聖天子，  
祗膺大命，統承寶祚，敬恭天地，嚴奉宗廟，輯和人民，  
七緯順度，九有寧謐。乃宣德己酉春正月，南京守臣  
來言，有騶虞二，見于滁州之石固山。謹卜日，遣人馳  
獻。粵二月十有三日，達闕下，上賜文武臣僚，洎四夷  
朝貢之使，觀之，白質玄章，膚體明潤，馴擾安適，弗懼  
弗驚，中外抃舞歡揚。咸曰：此國家上瑞。天下太平之  
徵，非偶然而致者。臣竊惟太宗文皇帝，以聖神文  
武之資，統馭華夷，深仁厚澤，涵浸無外。在位之日，四

方以祥瑞進者，輻輳于廷，而騶虞凡兩見，至今日猶赫赫如前日事，惟我聖天子以聖繼聖，化洽宇內，仁及庶類，雖蒞阼以來，嘉祥屢至，而未有若斯仁獸者。駢臻並見于一日之間，徵之往牒實爲希奇，自非聖天子之至仁大德，足以上當天心，曷克臻茲誠宜播之聲歌，編之簡冊，以丕昭鴻休于無窮，臣不勝欣躍謹拜手稽首而獻頌曰：維皇嗣統，膺命上天，睿知文武，以馭八埏，祇率舊章，法祖圖治，選賢簡能，以希庶位，五行順序，三光昭明，四方來同，萬姓以寧，洎于

幽潛。跂行喙息。總總林林。咸被茂澤。太和網緼。克溢  
兩儀。涵毓靈祥。益蕃而滋。乃有仁獸。竄出畿內。造化  
匪臞。適與時會。其見于何。滌山之陽。瑞靄祥氛。爲之  
低昂。穆穆收收。有白其質。亦玄以文。匪羣之匹。不角  
不牙。匪兕匪貍。蹈篆舍仁。惟德之符。正月令辰。榮光  
四被。守臣告祥。山靈效異。祝網旣除。尉羅弗張。乃服  
軒車。載趨載行。旣安且馴。不虓以怒。祥飈汎川。彤雲  
載路。維春二月。進于九重。天光低徊。風日朗融。于時  
都人于時。卿士于時。蠻夷咸稱。上瑞兆時。聖徵有燁。

其光至仁之應太平之祥在昔 太宗功成治定騶  
虞再見亦惟德之應維皇奉天昭格 上帝眉壽萬  
年同于天地

序

贈兵部尚書陳公赴交趾序

交南

謂于

黃忠

宜

文通

禁中

陳公

者疑

即黃公

交

交趾去中國北遠限山瀕海僻處南徼萬里外自古

葉身稱

陳公

下

黃忠

宜

文通

禁中

陳公

者疑

即黃公

以來夷人相虎吞迭爲雄長漢唐之世雖嘗置郡縣

焉

然反側叛服卒無寧歲下逮宋元遂弗能制由是屏

土錫封建國安南更歷數傳桀鷲滋甚以至黎氏父

子戕殺其主，乘黃屋，左纛，鳴張狼顧，將與中國抗衡。歲時貢獻，往來狙詐益甚。天子震怒，命大將帥偏師往討之。首惡就擒，凡黨與相煽結者，悉徧薙無遺。遂以其地爲郡縣，建交阯布政司以統之。方王師之南征也，吏部侍郎陳公叔遠實受命以從，公爲人沉默謹愿，小心周密，其在闡外也，凡軍旅之調度，餽餉之經營，邊務之計畫，以至胥吏筆札之細微，皆預領而叅決之。暨交阯旣平，號令更新，選吏以理其民。公勞來綏輯，哺飢煦寒，而又以宣上之德意，納之于

春陽和煦之中，近年以來，瀕海之區，寇孽伺釁阻險，負固復相聚動搖，掠民資畜爲生活，用是弗寧，事聞仍詔大將軍英國公臣輔提兵往靖之，公復受命以從，至海上逾年，遂擣其巢穴，縛首禍者數人，俘獻闕下，交趾肅清，民大喜以寧，去年秋九月，班師，公從大將軍入覲，宸衷豫悅，特賜宴賚，擢陞兵部尚書，光華寵耀，榮及爰朋，而公尤栗栗焉，偃俸謙退，若不能勝者，烏乎此，可謂厚德之君子者矣，居間 聖天子因念及交趾，方內附，禮樂教化未大洽于民，且其地

方數千里。爲交南重鎮。非假大臣以鎮撫之。則不足以昭宣威德。惟公負才能聲望。于其民情俗尚之所安。政令寬猛之所宜。與其山川城守之所備。皆嘗圖回而熟察之。乃復命公以往。朝之縉紳與公游者。皆賦詩酌酒。飲餞于都門之外。而屬余敘之。予謂士之未遇也。患不得其位。既得其位也。患其道之不能行。位得矣。道行矣。而上足以結主知。下足以爲民望。此尤古人之所難。而不可以必焉者也。若公之遭逢盛際。德足以稱位。才足以任事。道行志得。爲聖天子



之所眷注。十年之間。出入勞勤。揚天威于萬里。馳英聲于海上。而屹然爲交南之望。方且自致于青雲之上。建立功業。以古之名臣自期待。此其志則公之獨得。而他人固有所不識也。公行矣。尚周爰諮宜。誕昭德音。以副聖天子一視同仁之意。使交南之民。屬望于公者。如始來之日。則惠之所及者遠矣。公行矣。尚慎重之哉。

灤京百詠集序

北征我朝盛事故宜作詩以詠之

予嘗扈從北征。出居庸。歷燕然。道興和。逾陰山。度磧

鹵大漢以抵臙胸河。復緣流東行。經濶樂海子。過黑  
松林。觀兵靜虜鎮。既又南行。百折入淙流峽。望應昌  
而至灤河。又西行。過烏桓。經李陵臺。趨獨石。涉龍門。  
出李老谷。迤邐紆徐。度鎗竿嶺。遵懷來而歸。往復七  
閱月。周廻數萬里。凡山川道路之險夷。風雲氣候之  
變化。鑿輿早晚之次舍。車服儀衛之嚴整。甲兵旗旄  
之雄壯。軍旅號令之宣布。馮師振武之儀容。破敵納  
降之威烈。隨其所見。輒記而錄之。且又時時作爲歌  
詩。以述其所懷。雖音韻鄙陋。不足以擬諸古作。然因

其言以卽其事，亦足以見當時儒臣遭遇之盛者矣。予自幼聞西雲楊先生以詩名，今覩其所爲灤京百詠，則知先生在元時以布衣職供奉，嘗載筆屬車之後，因得備述當時所見，而播諸歌詠者如此。然燕山至灤京僅千里，不過爲歲時巡幸之所，度先生往來正當有元君臣恬嬉之日，是以不轉瞬間，海內分裂而灤京不守，遂爲煨燼數十年來，元之故老殆盡，無有能道其事者，獨余幸得親至灤河之上，竊從畸人遷客諮訪當日之遺事，猶獲聞其一二。登高懷古，覽

故官之消歇。睇河山之悠邈。以追憶一代之興衰。因此亦勝國之文獻也。國可滅。史不可滅。大哉言乎。以著之篇什。固有不勝其感歎者矣。因觀先生所著而徵以予之所見。敢略述其概。以冠諸篇端。然則後之君子。欲求有元兩京之故實。與夫一代興亡盛衰之故。尚于先生之言有徵乎。

送新復古之官臨江序

都綱

我太祖高皇帝。削平禍亂。混一區宇。制禮作樂。誕都綱之除。授有何要。事而公作。序送之。可見此特。宜人文稽古。建官庶職。咸備而尤注意于釋氏之教。二教猶修百度。惟貞。且復設官以釐之。上率下承。蓋將明其道。化其愚。啓

其曠通其窒碍。而納之于至善之域焉。永樂庚子冬。臨江之都綱缺。有以復古爲薦者。遂得住持天寧講寺。將行中。允吳公仲平相率搢紳大夫。詩以祝之。而屬余以序。夫都綱之任。所以長率釋流。以宏其教宗。而講師之業。又所以宣明大覺。以會其指歸。兼是二職者。亦可謂難矣。復古廬陵人。自少善根。宿植神清。秀朗勤勤焉。嗜浮圖以爲高。遂託跡方外。旣若干年。卽首京刹之座。粗衣菲食。謹持律戒。窮討秘義。晝夜不怠。造般若之奧。悅三觀之旨。體用不遺。內外相資。

絕欲縱之愆、無怕誕之失、今而領都綱之任、專講師之席、將俾人崇其教、滌穢除累、通暗去碍、以同造夫大覺至善之域。上以陰翊皇度、下以揚闡宗風、庶幾不負朝家崇獎之意、而于佛氏之道、亦重有光矣。復古尚勉之。

禱著

恭題仁廟御書後

仁宗皇帝居東宮時、尤重文學、侍從之臣、凡賜賚洎有所陳請、必親爲題識、當時被其眷禮者不數人、今

右春坊庶子、兼翰林院侍讀學士王直其一也。直永樂初科進士、由庶吉士、擢翰林修撰、器識文學蚤已受知、前後膺賜者三、陳詩者一、皆仁廟親御宸翰、題識批答者、首則端午賜扇、次則以直目疾賜藥、次則直遭喪將歸、賜白金爲道里費、又其一則直以父在職年老乞致仕、特勅吏部准所請、其上皆著直姓名、可謂一時之顯者矣。直謹裝潢爲卷、用彰寵貺、以貽不朽、俾幼孜識之。

書楊少傳陳情題本副錄後

余嘗觀先正范文正公生二歲而孤，母謝夫人貧無

予親據文貞集所載題羅氏也後刊羅氏爲文

依，再適長山朱氏，洎文正貴，以朱氏長育之德，每思

貞同母異姓元弟今觀此文益了然文貞不以此

厚報，凡朝廷所加賞，輒丐以逮之，甚至朱氏兄弟卒

事爲碑所傳之寸後亦盛德之一也

皆爲殯葬，歲別致祭，享嗚呼文正存心若是之厚者

其忠孝之大節，豈不因是而可見哉！今觀少傅兵部

尚書兼華蓋殿大學士西昌楊公士奇，其事始與文

正公同，而存心之厚，又千載而相符者也。公生歲餘

其先君子少傅公弃世，賴繼父前進士羅君子理撫

育，數載之勤，後子理官德安，坐累謫戍永昌，卒，二子



長憲補戍役，次京家居養母，母卒亦坐累，當種田北  
京時，太宗皇帝親征北虜，仁宗皇帝居東宮監  
國，留公輔導，公念憲兄弟不幸，皆以事遠役，母夫人  
墳墓無所託，具其情以聞，意欲丐宥京以歸奉歲時  
奠掃卒之感動淵衷，親洒寶翰，命永昌軍役并免之。  
觀公之追念其親，逮于羅氏，洎仁廟之所以體臣下  
之情，垂保全之德，皆本乎人心天理之至，而曠古所  
無之典也，何其盛哉！距今二十年，京來省公于北京，  
請錄當時題本，以垂示羅氏子孫，公既識之，復出以

示予。惟公以宏才碩學。歷事三聖。勳業在朝廷。聲名滿天下。其位遇之隆。倚任之重。蓋有過于文正。而其平生出處之槩。存心之厚。則未始有異也。且世之人。一隸戎籍。子孫往往貽累于無窮。今羅氏子孫。獲享安逸之利。若此者。固荷朝廷恩德之大。而寔本于公忠孝之所推也。拜觀之餘。敬書此于末。爲羅氏之後人。尚世世念之哉。

皇明經世文編卷之終

皇明經世編

金文靖集

卷之一

陳情

南

平露陸

丁未